

Seremne nr. 12

NORSK-SVENSK HANDEL

Nordiska Museet i Stockholm har gjennom ei spørjeliste (Specialfråga nr. 35) freista få nærare kjennskap til den handelen som norske handelsmenn og handverkarar har drive i Sverige og omvendt. Vi sender Dykk hermed denne lista på norsk, fordi vi meiner det er bryet verdt å få kjennskap til den tradisjonen som ennå finnst på norsk side om denne handelen over grensa.

1. Kjenner De frå Dykkar bygd ting (reidskap, husbunad og lignende) som De veit eller trur er komne frå Sverige? (Vi tenkjer her ikkje på moderne industri-produkt som Volvo-bilar og Husquarna symaskinar.)
2. Kjenner De til at svenske handelsmenn (skreppekarar) eller handverkarar har selt eller produsert varer på norsk område?
3. Er det tradisjon om at norske handverkarar drog til Sverige, og kva gjorde dei i tilfelle der?
4. Drog norske handelsmenn (skreppekarar, kramkarar) til Sverige?
5. Kva for bygder eller marknadsplassar drog dei til og kva slag varer hadde dei med?
6. Kva tok dei med heimatt?